

## Mam yaa Islaam (more)<sup>1</sup>

sĕn tŭ ne a Dr. Mohammad [bn [braahum Al-hamd guls-moogo

Mam yaa Islaama, la rĕnda rat n na n yeelam ti mam dĭinā la Islaaongā, La Islaaongā yaa gomd sĕn yaa zisgo, sĕn yilge, ti nabiyaam-rāmbā rik a faado, -tilgr be b yĭnga-, sĕn sung b sungrā n ti tāag b baasgā; La gomd-kāngā, a zāada maana sĕn zĕke la zugd sĕn yaa zisgo; Bala a rat n na n yeelame ti Islaaong yaa sak-n-tŭ la pugbo la tŭudŭm ne Naandā, A leb n rat n na n yeelame ti yaa tilgre la laafi la zu-noogo la bas-m-yam la vuusgo n kŏ nin-yĕnga la zāmā wā. Woto n kite, ti gom-biisi sĕn yaa : "tilgre la laafi" naaga gom-biis nins sĕn yud wooglem sĕn wa Šari wā pugĕ; Rĕnd salaamā (tilgreā) yaa yuur sĕn yi Wĕnd yui yā pugĕ, La Islaambā puusgo bāmb ne taab suka, yĕnda yaa salaam (tilgre), La arzān kamba puusgo yaa (tilgre) salaam, La Islaam sid-sida yaa Islaambā sĕn tilge n yi a zelemdā, la a nugā wĕnga; Rĕnd Islaaongā yaa sŏma dĭin ne nebā fāa gilli, a sekda nebā fāa, yĕ n leb n yaa b zu-noog sore dŭni wā la laahre, Rĕnd n kit t'ŏ wa n pidsdĕ, n gŭbgi, n yaa yalanga, n yaa vĕenega, n pake n togel ned fāa gilli, a ka welgd buudu ne a to ye, ka kŏbg ne a to, a geta nebā fāa gilli ges yenda; la ned ka welgre ne sŏmblem Islaaongā pugĕ, rĕndame ti zems yĕ me sĕn sak n pugd Islaaongā alkadre. Rĕ n kit ti yŏy nins fāa sĕn tar laafi wā sakd-a, bala yaa bŭmb sĕn kell n zems ne nebā Fitra (reg-ne) wā; Rĕnd ninsaal fāa gill rogdamē ti yaa b sĕn naan-a t'a nong sŏma la tĕeg-tirga la burkĭndi, n nong a Soaba, n sak n regg a zugĕ, ti Yĕnda la b sĕn tŭud a soaba sĕn sŏmb ne tŭudum Yĕ A Yembre, n bas zĕng sĕn ka yĕnda; La ned ka gŏdgde n yi Fitrā (Rog-ne) kāngā, rĕndame ti yaa bŭmb n tedg-a, La dĭin-kāngā, yaa nebā Naandā n yar-a ne ne-bā, sĕn yaa b Soabā, la b Tŭudā.

La mam dĭinā sĕn yaa Islaaongā wiligda maam ti mam ti mam na n vuma dŭni-kāngā pugĕ, la mam kŭumā poorĕ, m na n tedgame n kĕng zak a to, yĕnda me la paab zakā, ning nebā baasg zĭig sĕn yit a pugĕ, maa ti yaa arzānĕ maa bugmĕ.

La mam dĭinā sĕn yaa Islaaongā sagenda maam ne saglse, la a gidgd maam n yi yel-guti; Ti mam sā n yik ne sagl-kāensā la m zāag gidg-kāensā, m paamda zu-noogo dŭni wā kaanĕ la laahre, La m sā n maan yam yaal-yaal a pugĕ la zu-beed sĕn paam maam dŭni kaanĕ la laahre, sĕn zems ne mam kuungā la m koeegrā tĕka, la Islaaongā sĕn sagend maam ne bŭmb ti yaa zisg n yuda, yaa Tawhudu Allaah (Wĕnd-yembgā); Rĕnd mam maanda kaseto la m loet loεga sĕn kenge: ti Wĕnd la mam Naandā, la mam sĕn tŭuda Soabā; Rĕnd m ka tŭud ti sā n ka Wĕnd ye; ti yaa nonglem ne-A, n leb n yaa yĕεsg n yi A namsgā, n yaa tĕebo ne A yel-sŏmdā, n yaa bobl-m-meng ne-A, La Tawhud (Wĕnd-yembg) kāngā, a bee ne fo sĕn na n maan kaset ne Wĕnde, t'A yaa A Yembre, la A Nabiyaam a Mohammad ne Tĕn-tuumdmā; Rĕnd a Mohammad yaa nabiyaam-rāmbā pidsda, Wĕnd tums-a lame ti yaa yolsgo ne bŏn-naandsā la A pids nabiyaamdmā la tĕn-tuumdmā ne-a, rĕnd nabiyaam ka be a poorĕ ye, La a waa ne dĭin sĕn gŭbgi la sĕn sakds wakat fāa la zĭig fāa pugĕ

La mam dĭinā sagenda maam saglg sĕn kenge, ti m kŏ sid ne malegsā la nabiyaam-rāmbā fāa gilli, la b zu-raogā yaa a Nuuhu la a [braahuma, la a Muusa, la a lisa, la a Mohammad -tilgr be b yĭnga- a leb n sagenda maam ti m kŏ sid ne sāsē Gaf-rāmb nins b sĕn sik tĕn-tuumbā zugā, la m tŭ b baasgdā la b pidsdā la sĕn zisa n yuda, yĕ me la (Alkurāan wagellā).

La mam dĭinā sagenda maam ti m kŏ sid ne yaolem raarā, b sĕn na n rol nebā raar ning pugĕ, b tuumā, La ŏ sagenda maam ti m kŏ sid ne kordgo (Pulungā) la m yar ne bŭmb ning sĕn yit n paam maam dŭni-kāngā vuma pugĕ, sĕn yaa sŏma maa wĕnga, la m kĕne n rik tilgrā sabab-rāmba la kŏ sid ne kordgā (Pulungā) a kŏta maam vuusgo la yĭ-yŭgnego la sugri la m bas nimis ne bŭmb ning sĕn looge; bala maam, m miime minim sĕn yaa vĕenega, ti bŭmb ning sĕn paam maamā, a ka yĭ n na n pŏsg maam ye, la bŭmb ning sĕn pŏsga maamā ka yĭ n na n paam maam ye, Rĕnd bŭmbā fāa gilli yaa sĕn korde (pulme) n gulse n yi Wĕnd nengĕ, la ka be ne maam rĕnda mam rik sabab-rāmbā bala, la m yar ne bŭmb ning sĕn yit rĕ poorĕ wā

La Islaaongā sagenda maam ne bŭmb ning sĕn na yĭ yilgemd ne mam yŏorā, sĕn yaa tuum sŏmbse, la zug beda, sĕn yard Wĕnde, la yilgd mam yŏorā n yilgd m sŭurā, n yalgd m yāoogā, la a vĕnegd mam sorā, La ŏ maand ti mam yaa ned sĕn nafde zāmā wā pugĕ.

La tuum-kāensa sĕn yaa zisg n yuda , yaa Taohudu-Allaah (Wĕnd-yembgā) la Wakat a nu wā Puusgo, yung la wĭndga, la arzĕkā zak kŭuni la kiuug no-loeere yuumdā pugĕ, yĕ me la Ramadaanā kiuugu, la Lohorem Roogā kaagre, sĕn be Makā, ne ned ning sĕn paama hagiimdā tŏogo.

La sĕn leb n yaa zisg n yud mam dĭinā sĕn tees maam n tuge, n yaa sĕn yalgd yāoogā, yaa Alkurāanā kareng wusgre, sĕn yaa Wĕnd goamā, n yaa goam sĕn yud ne sida, n yaa goam sĕn yid neerem la zislem, n yaa goam sĕn yud taglem, sĕn gŭbg rĕnem-rāmb la yaolem-rāmb bāngre; Rĕnd a karengā maa a kelgrā kĕesda yĭn-yŏgnego la vuusgo la zu-noogo sŭurĕ wā, baa ti karemdā maa kelegdā ka

---

<sup>1</sup> Wā yaa gomd sĕn gulse, n na n wilg Islaaongā sĕn yaa a soaba

wumd laarabiimdu maa a ka more. La yel-zisg sēn yud sēn yalgd yāoogā, yaa Wēnd kosg wusgre la lebs-m-meng A nengē, la a kos-A sēn yaa kidg la sēn yaa bedr fāa; Rēnd Wēnd sakda ned ning sēn bool-A la a ylg a tūudmā ne-A.

La sēn leb n yud zisgo sēn yalgd yāoogo, yaa Wēnd yuurā tēegr wusgo -A Naam yi wagell n zēke- La sīd la hakuka mam Nabiyaamā -Wēnd puusg la A tilgr be a yīnga-a teesa maam n tug Wēnd yuurā tēegr sēn yit to-to, la a wilig maam būmb sēn yud sōma mam sēn na n tēegd Wēnd yuurā ne-a, La sēn be rē pugē yaa gom-biis a naas nins sēn yud sōmblem Alkurāan poorē, bāmb me la : (Sunhaanallaah walhamdu lillaah, wa laa'ulaaha ulallah, wallaahu akbaru= yilgemd be ne Wēnde, pēgr be ne Wēnde, soab sēn na n tū n tilg ka be, ti sā n ka Wēnde, la Wēnd n yud bedrem).

La woto bala (Astagfirullaah, walaa hawla wala kuwwata illaa billaahi= m kota Wēnd yaafa, la slem ka be, la pāng ka be, rēnda ne Wēnde).

Rēnd gom-kāensā tara vūun sēn yaa yel-solemde sūya yalgr wεengē, la yīn-yōgneg sigb sūurē wā.

La lslaoongā sagenda maam ti m yi alkaadr zēkdg soaba, n zāag m meng ne būmb ning sēn paoogd mam nedemdā la m woorā, La m tum ne m yamā la m yīn-wilā, b sēn naan maam būmb ning yīngā pugē sēn yaa tuum nafdi, m dīinā pugē la m dūni wā pugē.

La lslaoongā sagenda maam ne yolsgo la zug-sōngo, la tumd-n-ta noogo, la man-neere n tug bōn-naandsā, m sēn tōe fāa ne goom la tuuma.

La b sēn sagl maamā sēn tug n zis n yuda bōn-naandsā hake-rāmba wεengē, yaa roagdb a yīibā hake, rēnd mam dīinā sagenda maam ti m maneg b yīibā, la m bu sōma nonglm ne b yīibā, la m maan yā-beedo ne b yīibā sūur noogre, la m kō-b sēn nafd-ba, la sēn tug n yuda yaa b sēn wat n lebg kasembā wakat; Woto n kut ti fo yāt baabā-rāmbā la ma-rāmbā lslaambā zīisē, ti b be dargε sēn zēk pugē, sēn yaa waoore, la zēkre, la sōgnego n yi b yīibā koambē, La roagdb a yīibā sēn lebg kāsemb n paas fāa, maa bāag n yōk-ba, maa kongre, la koambā manegr sēn paasd ne-ba Mam dīinā leb n wilga maam ti paga a tara woor sēn zēke, la hake-rāmb sēn yaa zisgo; Rēnd pagbā lslaoongā pugē, b yaa rapa bogse, la nebā sōmblem sēn yuda, yaa sēn yaa sōma ne a zak-rāmba; Rēnd lslaam poaka, a yāadremē wā, a tara hake sēn yaa yēsēngo la zāobo, la a wubrā manegre, la yēnda wakat-kāng pugē fāa gilli, a yaa nif maagre, n leb n yaa sūur ti-bila ne a roagdb a yīibā la a ma-biisā. La a sā n wa bi, a lebgda b sēn zisgd a soaba la b sēn waoogd a soaba, b baabā-rāmbā zabda Ra-taado b poorē la b gūbgd-a ne ges-neere, Rēnd b ka yarde ti wēng nug wa tug n zēk n kēng a nengē ne wēng ye, maa zelma ne namesg ye, ka zāmb nin me ye. La a sā n furi, rēnda yita ne Wēnd gomde, la alkaoolā sēn yaa zisgā; rēnd a ytame n be a sīdā zakē zīnd-n-taar sēn yud sōmblem zīigē, ti yaa tilae n rog a sīdā t'a waoog-a, la a maneg-a la a yōk nong n yi-a.

La a sā n yaa ma, a manegrā yaa būmb sēn tōk ne Wēnd hake wā, -A Naam zēkyā- la a namsgo la maan wēng n tug-a, yē me yaa būmb sēn tōk ne lagem-n-taar maaneg ne Wēnde la sāang tēngā pugē.

La a sā n yaa tāo, yaa yē la b sēn sagl lslaam t'a tōk-a wā, la a waoog-a la a zab ra-taar a yīnga, la a sā n yaa ma-bila (ma wā tā-poaka), a yita wala ma wā sēn yaa soabā, manegr la tōkr wεengē.

La a sā n yaa yaab-poaka, maa a kuulame, laa a tūlemā(valēerā) sēn paasde, a koambē la a yagensē wā la a rog-pētbā fāa nengē; rēnd yaa toog t'a kos būmb n ka paam ye, b leb n ka paoog a koεεg ye.

La a sā n yume n zār ne nedā, n ka pē-a ne rogem maa yak-n-taare, a tara lslaoongā hake-rāmb nins sēn gūbgā, sēn yaa nang yōk-n-yi neda, la nin-mumbu la zēng sēn ka yi ne rēnda.

La lslaambā tems ka bak n gūusd hake-kāensā gūusg tekē, rē kut ti pag wa tar tūlem la a kaalgo, waoogr ninga a sēn ka tōe n paam zāma-rāmb nins sēn ka moeembā nengē.

Rē poorē, lslaoongā pugē, pag tara hake n tōe n soog būmbu, la a luwaase, la a koose, la a ra, la tumd-n-taarā loeesā fāa gilli, a leb n tara hake n na n kareme la a karem neba, la a tum būmb ning sēn ka yōsgd ne dīinā, Pus n ka woto ye, ad bee bāngrā pugē sēn yaa tilae n welg n rog ned fāa zugu, t'a basd paam zunuubu, zem ti yaa raoa maa ti yaa paga.

Pus n ka woto ye, ad bee ne-a būmb ning sēn be ne raopā, sā n ka wala būmb nins a sēn welgd ne wā ti ka tū ne raopā, maa ne būmb ningā b sēn welg ne wā, ti ka tū ne pagā ye, ti yaa hake-rāmba la buud-rāmba sēn zemsd ned fāa gill yalē, wala sēn welse yel kānsa zīisē wā.

Mam dīinā leb n sagenda maam ti m noang m tāopā la m tāop-pogsā, la mam sāmbyb-rāmba la m pugd-rāmba, la m yes-rāmba la m ma-bi wā, la mam rog-pētsā fāa, la a sagend maam ti m yānes ne m pagā hake-rāmbā la m koambā la m yagsā.

Mam dīinā sagenda maam ne bāngre la a kenged maam ne būmb fāa sēn paasd mam yamā la m zugdā la m tagsā.

La a sagend maam ne yān-zoεεga, la sugri, la kūuni, la roado, la yam-bedre, la maag-m-menga, la sugri, la bas-m-yam, la gāneg-m-menga, la yōk-m-menga, la pu-peelem, la alkaool pidsgu, la neer nonglem ne

nebã, la tume n bao rntla, la nimbãan-zoεεga ne nimbãan-neba, la bãad-rãmb kaagre, la pulung pidsgu, la gom-noodo, la sεg nebã ne no-yōgengo, la tall nong-kegenga ne b sūyã noogre, m pãng tōog teka.

La sēn kUSD woto, a bugsda maam n yit zulem la a gidgd maam n yit kifēndo, la raεεgre, la Wēnd kUSDgo la yel-beedo, la yoobo, la kedgre kēen-n-taar wεengē, la waoog-m-menga, la sū-kiiri, la beem, la tē-wēnga, la kōb wēndem maanego, la sū-sãnnga, la zīri-beedo, la tēeb wãagre, la beedo, la kuungo, la rabeem, la bas tuuma, la gēega, la yalamdo, la maan nebã wēnga, la gom wusg ti ka tar yōodo, la yel-soondi pukri, la zãmba, la pulung viigri, la roagdb a yibã namsgo, la rogem wãagre, la koamb base n ka get-ba, la yak namsgo la bōn-naandsã fãa gilli.

La lslaambdã leb n gidgda maam n yit bōn-suudi wã yūubu, la dorg-rãmb rkre, la war tãoobo ne arzeka la wagem, la zamba, la belgre, la nebã pelens ykre la b yelã pēes-n-bãnge, la b yãnã pugbo.

La mam lslaoongã dīina, a gūuda arzεgsã, la bee rē pugē, sēn yaa laafi la bas-m-yam sēegre, rē n kit t'a keng ti b maan bas-m-yam, la a pēg b rãmbã, la a pulum-ba ne vui-noogo la arzãn kōom laahr raarã, la a gidg wagem, la a pulum a maandã pulung beedo, ne sibgr dūni kaanē, la laahr raarã.

La mam dīinã, a gūuda yōore, rēnd n kit t'a gidg yōor kuvbo, ti sã n ka tū ne hake, la maan-n-zuug neb a taabã zugu, sēn yaa kōbg ning fãa maan-n-zuukã pugē, baa ti yaa ne gom-biisi.

Ka woto ye, a gidgame ti ninsaala ra wa tug n maan n zuug a mengã zug ye, rēnd a ka kō sor ne ninsaala, t'a wa sãam a yamã, maa a laafi wã, maa a ku a menga ye.

La mam dīinã sēn yaa lslaoongã, a kōo nebã maan-m-yam la a remsd-a lame n yōgn-a; Rēnd ninsaala lslaoongã pugē, a yaa burkīna a tagsã pugē la a koosgē, la a raabē, la a tolbē wã, la a kēnã pugē, a leb n yaa burkīna ne a maan wum-noogo ne vumã yel-noodã, sēn yaa bōn-rti, la bōn-yūudi, la bōn-yerdi, maa sēn kelgde, t'a sã n ka maan bumb sēn yaa Sãri wã sēn gidge (haraam), ti na n lebg n nams yēndã maa zēng sēn ka yē.

La mam dīinã, a zaa maan-m-yamã, rēnd a ka kōt sore ti ned wa tug n maan n zuug a to zug ye, ka ned me kell bala n tud n maand a wum-noodã pusē haraam-dãmb ye, sēn sãamd a arzεgse, la a vui-noogã, la a nedemdã.

La f sã n ges neb nins sēn kō-b mens burkīnd bumbã fãa pugē wã, la b kō b yōyã a sēn rat bumb ning fãa gill sēn yaa yōorã-yam-leedã, - ti dīin ka tōog n gidg-ba, maa yam - fo na n mikame ti bãmbã rãmbã b vu zu-beedo la pakre sēn tug n ta yaalg tekē, la fo na n yãa b sãnda t'a rat n na n ku a menga, ti yaa sēn na paam n yiis a menga, pelen-yik ning yē sēn be wã pugē.

La mam dīinã wilgda maam zugd sēn yaa zug wagla, rubē, la yūubē, la gōeemē, la gom ne nebã pugē.

La mam dīinã wilgda maam bas-ti-looge, koosmē, la raabē, la hake wã baoob wεengē, la a leb n wilgd maam bas-ti-loog ne neb nins sēn yōsgd maam dīinã pugē wã, rēnd m ka wēgd-ba, m ka maand wēng n tug-ba, ka woto, m manegd-b lame la m rat ti sōma ta-ba. La lslaambã kudemdã maanda kaseto ti b rag n yaa bas-ti-loog-rãmba ne sēn yōsgb bãmbã wã, bas-ti-loog ninga zãma sēn ka tol n bãng-a sēn rengb bãmb toorã; Bala lslaambã vuma ne zãma a taaba, dīin-rãmb sēn yaa toay-toay, n be lslaambã buud soolmē, rēnd lslaambã ra yume n tumd ne nebã gill fãa, tumd-n-taar ning sēn wa n tug n yaa sōma n yud nebã ne taab suka. La sēn na gūbg bala, yaa ti lslaoongã wilga maam zug-wagla la tumd-n-taar sēn be neere, zugd ning mam vumã sēn ylgd ne-a, ti m sū-noogã pidi ne-a, A leb n gidga maam n yi bumb ning fãa sēn gidgd mam vumã la sēn namsd nebã vum-n-taarã, maa yaa yōorã, maa yaa yamã, maa yaa arzeka, maa yaa zismã, maa yaa burkīndã. La mam sēn sak tū togs-kãensã teka la mam zu-noogã wusgda, la mam sēn maan kuung la koεεgre ne bumb a pugē fãa la mam zu-noogã sēn boogde, n zems alkadr ning mam sēn base sagl-kãensã pugē wã.

La sēn loogã ka wiligd ti mam yaa neda b sēn gū n yi tudgr ye, la m ka maand n koeeg ye, bala mam dīinã, a gūusda mam ninsaaldmã yalē wã, la mam valengã wakat sãnda wã, ti tudgri la kuung paamd maam, rē n kite t'a pak tuubg ragnoore n kō maam, la zunuub yaafg kosgo, la lebs-m-meng Wēnd nengē. Rēnd tuubgã, a yēesda mam koeegrã vūunã, la a zēkd mam alkadrã mam Soabã nengē.

La lslaoongã dīinã saglsã fãa gilli, sēn yaa akūda (loεεga) la zugdo, la zuglgo, la tumd-n-taare, b yēgrã yaa Alkurãan wagellã la Sunnah sēn ylgã.

La sēn na n baase, m yetame ti m sūur-kegme: la ti ninsaala fãa sã n lik n yã, sēn yaa zīig ning fãa dūni wã pugē, lslaoongã dīinã hakuka ne tēeg-tirga la pidg n yi yōor yamleooog gesgo, a ka tar a sēn na n maane, rēndame t'a kē-a, la ad mōsubã (yellã) yaa ti lslaoongã dīinã zīri-beedo n sãam a yuurã, maa sēn yet b yaa lslaambã sãnda tuuma, sēn yaa neb nins sēn ka tumd lslaamdã raabã.

La ned sã n rag n ges lslaoongã hakuka wala a sēn yaa a soabã, maa a na n gesa neb nins sēn yãs ne-a sid-sid alhaalã, a kō n maan yam yuus-yuusi ne a sakrã la a kōomã pugē ye, La rag n na n vēnega ne-a ti lslaoongã, a boondame n tugd ninsaalbã zu-noogo, la laafi la bas-m-yam kēesgo, la tēeg-tirg la manegr sēegre. La sã n yaa neb nins sēn yeel ti b yaa lslaambã kedgrã, zem ti paoodame maa yaa wusgo, ka sōmbe, sēn wa n yaa a soab fãa ti b rik rēnda n geel dīinã zug ye, maa b zang dīinã rē yīng ye, ka woto

ye, ad Dīina zāaga ne rēnda, La kedgrā yellā, a lebgdame n ruugd kēdgdbā bala, bala lslaoongā, a ka sagend ne rē ye; a pus n gidg-b lame la a bugs-ba ti b ra wa kedg n yi būmb ning a sēn wa ne wā ye. Rē poorē, sēn paasde yaa ti sā n yaa tēeg-tirga, sōmbame ti b ges neb nins sēn yās ne dīinā sid-sidā halhaale, la neb nins sēn maand a saglsā la a Buudā, b mensē wā , la sēn ka bāmb mensē wā, bala rēnda pita sūya waoore la zisgre ne dīin-kāngā la a rāmbā; Bala lslaoongā, a ka bas būmb bilfu maa bedre, sēn yaa peegre la zuglgo, rēndame t'a piris nebā a zugu, leb n ka bas zug wēnga, maa sāanga, rēndame t'a bugs n yi-a, la a gid a sorā.

Rē n kit ti neb nins sēn waoogd a yellā, neb nins sēn yās ne a vūun-rāmbā, bāmb n yud nebā ne zu-noogo, bāmb n leb n be zīig sēn zēk n yuda sā n yaa ne yōor zuglgē la a wubri, ne zug sōmbse la zug wagla, ti sēn pē-b la sēn zār-b fāa maand kaset ne-ba yel-kānga pugē, la neb nins sēn zemsd ne-ba la sēn yōsgd-ba fāa maanda kaseto.

La sā n yaa gesg bala, n tug lslaamb nins sēn yaa yam yaal-yaal rāmb b dīinā pugē yelē wā, neb nins sēn gōdg-b n yi sor-tirgā, yēnda ka tēeg tirg buud pugē baa fu, a pus n yaa wēgd menga.

La sēn na n baase, ad wānde yaa boolle, ne ned fāa sēn ka lslaama, t'a maan yē-beedo ne lslaoongā sēn ya soab bāngre, la a kē a pugē.

La pa zao ned ning zug sēn rat n kē kē lslaoongā pugē, sā n pa a maan kast bala ti : "soab sēn na tū n tulg ka be rēnda Wēnde, la a Mohammad me yaa Wēnd Tēn-tuumā =Ašhadu ān laa'laaha llallaah, wa Ašhadu ānna Mohammadan Rasuulu Allaah, la a karem dīinā būmb ninga a sēn na tōog n yik n yals ne Wēnd sēn maan ti yaa tilae n rog-a wā ne bāng kānga, La a sēn paas bāngr la tuum fāa, la a zu-noogā sēn paasde, t'a dargē wā zēk a Soabā nengē.

